

神精溢於窮腸帝氣充於九關七祖披釋於
 三徒受更胎於南宮鎮生神於一身布真氣
 以固年畢叩齒三十九通視日氣生於无結
 氣於神陽氣外貞陰氣內成二象審錯交結
 元靈內真鎮衛九孔受生保魂固魄萬神安
 停保我三關華芝充盈與我同昇俱造玉清
 畢咽氣三十九過以鎮三十九戶氣澤匪潤
 流布一身若能素累不拘世塵靜心夷意細
 觀虛房眇想內視鎮神固魂絕死氣於九戶
 鎮生宮於上關迴匣存祝如面共言晝夜三
 年真神見形皓華反根朽齒牙生五藏結絡
 內補充盈役召六甲驅策六丁室致九霄之
 寶神降三素之軒神飛形舉白日登晨
 右上真之神寶名內字而鎮在人身之內運
 於九天之氣固人六府機關萬精化生皆由
 於神神鎮則生神逝則亡勤心積感則能舉
 人身形上昇玄宮求仙之道不知形神內名
 又不知填塞死戶生豈可冀乎夫修此道不
 得身履殮穢食五辛酒肉之屬觸忤正氣神
 則去矣人知豐有以甘口爵祿以榮身而不

頤甘口之食是傷命之斧齋祿奢糜是消真
 之源故神人愛幽寂不棲身不顯形於凡塵
 者也修生之家宜可慎乎

上清迴神飛霄登空招五星上法經



上清化形隱景昇保仙上經

中央黃老君受太微天帝君化形隱景登昇
 玉清上經存八景以運軀思五雲以昇形役
 紫度以招虛策炎光以召靈迴三晨以玄注
 引七斗之元精立用機於寢室精神感於穿
 庭自无金書東華玄格玉名莫得披看高帝
 之篇

凡修隱景之道每至八節之日八帝遊會之
 時也沐浴蘭香清齋幽房入室靜坐臨目存
 思希微蒼帝君名錄豐子建金華太玄寶冠
 着雲光錦袍帶九暉通光陽霞之符乘八素
 紫雲一景之輿授我九暉大晨隱符以雲氣
 覆冠我身身覺隨景而昇叩齒二十四通燕
 氣八過止

次存思中微赤帝君諱定光考建二素寶一
 之冠著雲光錦袍帶元晨四朗朱碧之符乘
 七素絳雲二景之輿授我觀雲元晨隱符以
 雲氣覆冠我身身覺隨景而昇因叩齒九通
 燕氣九過止

次存思紫微白帝君諱梁淵石建芙蓉之冠

着玄靈錦袍帶總晨皓靈扶希之符乘六素
紅雲三景之與授我總晨九極隱符以雲氣
覆冠我身身覺隨景而昇因叩齒十一通燕氣
六過止

次存思玄微黑帝君諱齊元旋連九元寶冠
着玄雲錦袍帶省耀靈真肅鳳之符乘五素
青雲四景之與授我省耀旋根隱符以雲氣
覆冠我身身覺隨景而昇因叩齒九通燕氣
五過止

次存思始微上帝君諱接空子建玄光寶冠
着雲光錦袍帶玄景中元八維玉門之符乘
四素黃雲五景之與授我玄景晨平隱符以
雲氣覆冠我身身覺隨景而昇因叩齒十
二通燕氣四過止

次存思靈微中帝君諱康危文連速遊冠着
綠錦紋袍帶合暉玄霞之符乘三素綠雲六
景之與授我合暉晨命隱符以雲氣覆冠我
身身覺隨景而昇因叩齒十二通燕氣三過止
次存思宣微下帝君諱宏膚子建三寶神冠
着單錦文袍帶齊暉保曜靈之符乘二素紫

雲七景之與授我齊暉晨玄隱符以雲氣覆
冠我身身覺隨景而昇因叩齒九通燕氣二
過止

次存思洞微真帝君諱泗登據建飛雲紫華
之冠着玄靈錦袍帶元命保形玄暉之符乘
一素靈雲八景之與授我高上龍煙隱符以
雲氣覆冠我身身覺隨景而昇因叩齒三十六
通燕氣一過止

次存思九微內帝君諱中明開建紫元三寶
之冠着玄雲錦袍帶晨霄八變飛宮之符駕
太霞紫煙洞景玉輿來授我高清太元元極
上道君隱符以洞景之輿來迎我身上登玉
清之房都畢叩齒三十六通祝曰

八景玄煙散氣虛庭蔽身九霞隱景幽冥寶
符玄降駕乘綠輶迴轉九晨住我身形上登
玉房拜謁紫庭畢燕氣三十六過止
次存斗第一星帝君變隱桃元內妃名太一
法坦字奉正扶黃錦帔丹青飛裙頰雲髻
第二星帝君保胎化形內嬪名太一三笈字
羅朱嬰着青錦帔綠羽飛裙頰雲髻

第三星帝君六道七星上元丹母名太一雲
夷字冲雙此着青錦帔繡羽華裙頰雲髻
第四星帝君匿景藏光中元內妃名太一七
列字丘橫嬰着紫錦帔黃華羽裙頰雲髻

第五星帝君變體易景斗中大女名太一鬱
書字時丘蘭着朱錦帔紫青飛裙頰雲髻
第六星帝君隱迹散象斗中中女名太一氣
精字抱定陵着朱錦帔青繡飛裙頰雲髻
第七星帝君分景萬形斗中少女名太一都
異字天凡淑着丹錦帔青華羽裙頰雲髻

第八星帝君化日月水火斗中高皇左夫人
名太一石啓珠字洛茂華着紫錦帔繡羽飛
裙頰雲髻
第九星帝君化金石山河斗中高皇右夫人
名太一愛條字雲育玄着綠錦帔翠華飛裙
頰雲髻

存九星帝君隱妃九陰內名形色衣服皆使
朗然從北斗中來下炎光流曜煥爛虛元迴
神玄映入我身中虛明堂之內紫房之中夾
日月二象九晨之暉羅列相次化為嬰孩九

帝真形名曰无常童子安在兆身内外洞徹
炎光内發匪體通熱仍叩齒九通祝曰

九晨迴顛隱化无方洞天九元斗中真童炎
光玄映布溢紫房千變萬化易景與象隨意
所之出有人無得乘八景上謁帝皇畢嘔氣

九過止

此帝君九陰化形隱景之上經中央黃老君
南方赤精君東方青童君北方太上君西方
太素君並迴九陰以散形運九辰以匿軀擲
飛輪以登空乘玄霄以遨遊縱景萬變隨世
沉浮若兆行之三光同休

上清化形隱景登昇保仙上經

經篇同卷

上清迴耀飛光日月精華上經

上清素靈上篇

上清迴耀飛光日月精華上經

太哉七寶宮

自然生蓮華

焯焯開夜光

恍惚暉神家

仰觀玄真臺

雲樓鬱差我

派煥曜玄空

微丘摧萬魔

拔苦罪難中

積却芳嬰牙

讚誦度七祖

積福德所和

太妙出神輝

无形寂无影

遼蕩无界外

豁然普濟往

舉度七玄苦

寥寥豁長靜

披涉五苦津

應感乘雲上

燈王徹十方

冥勝无不明

赫赫玄真臺

煌煌映十方

寥寥寒關釋

難衆身潛通

七祖三途解

无復憂惱中

明玉

稽首禮燈王

我為海船師

夜光通幽谷

虛煙散八極

禮誦无上教

飄飄結落通

三素生影雲

洞觀極十方

飛輪揭太空

蹤落任飛輪

披褐詠夜光

罪福无定起

積功苦不多

歸命无為道

煥爛明光暉

赤輝絕冥外

摩摩觀十方

屢我玄真變

明燈叩瓊鐘

一觀洞三寶

度名東英管

故能度三歸

身心洗滌開

朗照入太微

福慶何難覓

窈窕滿八丘

虛光照太无

逍遙散苦憂

无形亦无跡

蕭蕭入冥窈

諸天來降錫

近自由人身

晨夕建福田

終當體至真

朗徹无幽邊

福降積禍還

普濟一切人

携手攀玉符

應響已入无

釋我積世幽